



ISUMAQATIGIISSUT

Sulinermik Inuussutissarsiteqartut Kattuffiata

aamma

Maniitsoq Fish ApS

akornanni

Nioqutissiornermi nalunaaquttap akunnermusiaqarlutik sulisut

Apriliip 1-ani 2026 – marsip 31-ani 2029

Imarisai

§ 1 - Isumaqatigiisummi pineqartut.....	4
§ 2 - Piffissaq suliffiusoq.....	4
§ 3 - Akissarsiat.	5
§ 4 - Soraarnerussutisiassanut akiliutissat taakkualu akilerneqartarnerat.	6
§ 5 - Napparsimaneq.....	6
§ 6 - Qaangiuttoornerit aamma qaangiuttoornermut taarsiullugu sulinngiffeqarnerit.....	7
§ 7 - Suliartoqquneqarataarsinnaanermut tapisiat.	8
§ 8 - Immikkut tapit.....	9
§ 9 - Sapaatini nalliuttunilu tapisiat aamma nalliuttuni ulluinnartigoortuni akissarsiat.	9
§ 10 - Piffissamut suliffimmut nikisitaartumut aamma nikittaalluni sulinermut tapisiat.....	10
§ 11 - Atisat isumannaallisaatitallit il.il.	11
§ 12 - Ukiut suliffiit malillugit akissarsiat qaffaatissaat.	11
§ 13 - Nioqqutissiorneq siuarsarniarlugu akissarsialersuineq.....	12
§ 14 - Suliamik unitsitsigallarneq.....	13
§ 15 - Assuarlersinnaatitaaneq.....	13
§ 16 - Akissarsiat tunniunneqartarnerat.	14
§ 17 - Sulinngiffeqarneq sulinngiffeqarnerisutillu.	14
§ 18 - Aningaasaateqarfiit.	15
§ 19 - Toqukkut qimagaanersuutit.	15
§ 20 - Meeqqap napparsimanerani sulinngikkallarneq.	15
§ 21 - Meeqqap napparsimanerani sulinngikkallarnerit allat.	16
§ 22 - Qinikkatut pisortanillu toqqakkatut suliassaqaqtitaaneq.....	17
§ 23 - Sulinngikkallarnerit immikkut ittut allat.	17
§ 24 - Aaqqiagiingissutit assigiingitsuliorlunilu soraarsitsinerit.	19

§ 25 - Sulisut sinniisaat pillugit malittarisassat.....	19
§ 26 - Naartuneq, ernineq qitornavissiarnerlu.....	19
§ 27 - Soraarniuteqarnermi soraarsitsiniarnermilu siumut ilisimatitsivissat.	19
§ 28 - Piffissaq isumaqatigiissutip atuuffia.	21

§ 1 - Isumaqatigiisummi pineqartut.

Isumaqatigiisummi tassani pineqarput nioqutissiornermi sulisut Maniitsoq Fish ApS-imi nalunaquttap akunnermusiaqarlutik sulisut tamarmik

Imm. 2. Atorfinitsitaaneq pissaaq isumaqatigiissut nalinginnaasoq illuatungeriinnit akuerisaq naapertorlugu. Isumaqatigiissut nalinginnaasoq isumaqatigiissut manna malillugu sulisunut aaliangersimasumik atorfinitsitanut atorfinitsitaagallartunullu atuuppoq.

Imm. 3. Ilinniartut praktikkerneranni Naalakkersuisut, Finansministeriap aamma Sulinermik Inuusutissarsiuteqartut Kattuffiata akornanni ilinniartut pillugit isumaqatigiissut minnerpaamik ator-neqassapput.

§ 2 - Piffissaq suliffiusoq.

Nalinginnaasumik piffissaq suliffiusoq:

- Ulluni arfineq marlunni,
- nalunaquttap akunnerinik 40-nik sivissuseqarpoq,
- ataasinngornermiit sapaat ilanngullugu naatsorsorneqartartoq.

Allamik isumaqatigiissuteqartoqarsimatinnagu piffissaq suliffiusoq:

- sapaatip akunnerata ulluini siullerni arfinilinni inissinneqartassaaq,
- nal. 06.00-imit nal. 16.00-imut aammalu,
- sapaatip akunnerani tulliuttumi nioqutissiornerup aallartinneranut atatillugu sulinermi, sapaammi nal. 14.00-imit 23.00-imut,
- sapaatip akunnerani ulluni arfineq marlunni nalinginnaasumik ullut marluk sulisartunut ataasiakkaanut sulinngiffiupput.

Imm. 2. Piffissaq ullormut suliffiusartussaq sulisitsisumit aaliangersarneqartassaaq sulisartunik taakkualu sinnisaannik oqaloqatiginnereernikkut suliffimmut iluaqutaasussaq eqqarsaatigalugu.

Imm. 3. Unioqutitsilluni suliar tunngitsoornermi akissarsianik ilanngasoqartassaaq bonusisiasatullu taquassarsiassaagaluit pinngitsoorneqassallutik.

Imm. 4. Unillatsiarnerit 2 X 15 minnutsit akilerneqassapput.

§ 3 - Akissarsiat.

Ima akissarsititsisoqassaaq:

<u>Nioqutissiornermi sulisunut</u> Nal. <u>akunnermusialinnut</u>	1. april 2026	1. april 2027	1. april 2028
	Nal. akun.	Nal. akun.	Nal. akun.
	Kr.-it	Kr.-it	Kr.-it
18-it sinnerlugit ukiullit	126,00	130,00	133,00
18-it inorlugit ukiullit	85,50	89,50	92,50

Imm. 2. Suleqatigiit siulersortaat nal. akunnermusiallit:

<u>Suleqatigiit siulersortaanut</u> Nal. <u>akunnermusialinnut</u>	1. april 2026	1. april 2027	1. april 2028
	Nal. akun.	Nal. akun.	Nal. akun.
	Kr.-it	Kr.-it	Kr.it
18-it sinnerlugit ukiullit	139,00	143,00	146,00
18-it inorlugit ukiullit	89,50	93,50	96,50

Imm. 3. Tamatuma saniatigut sulisut piffissaq akissarsiaqarfiusoq tamakkerlugu qanorluunniit unioqutitsillutik suliar tunngitsoorsimannngitsut suliar tortuaannarnertik pillugu bonusisinneqartassapput.

§ 4 - Soraarnerussutisiassanut akiliutissat taakkualu akilerneqartarnerat.

Isumaqatigiissut manna malillugu sulisut soraarnerussutisiaqalernissamik aaqquussinermut 1. januaari 1994-imi pilersinneqartumut allatigullu SIK-mit atorneqartumut ilaapput.

Soraarnerussutisiassanut akiliutit naatsorsorneqassapput akissarsianit tamarmiusunit, tassa bonusit / akkordernersiutillu, tapisiaajunnartut 1. aprili 2026-imit atuuttut ilanngullugit, imaassallutik:

Sulisitsisup akiliutissai:	8,00 %
<u>Sulisup akiliutissai:</u>	<u>4,00 %</u>
Katillugit	12,00 %

Imm. 2. Soraarnerussutisiassat qaammammoortumik ataasiarluni SISA-mut akiliutigineqartassapput. Akiligassangortinneqarnerisa kingornatigut ulloq piffissaq eqqorlugu akiliiffiususaaq kingulleq tassaavoq qaammatip ulluisa qulingat.

§ 5 - Napparsimaneq.

Sulisoq napparsimanini pissutigalugu suliaminik ingerlatsisinnaajunnaarpat tamanna pissuteqavilluni sulinginnertut naatsorsuunneqassaaq. Pissuteqavillunili sulinginnertut naatsorsuunneqarsinnaangilaq sulisoq sulitilluni piaaraluni imaluunniit mianersuaalliorujussuarnermi kingunerisaanik sulisinnaajunnaarpat sulilernerminiluunniit peqquserlunnikkut nappaateqarnini nipangiussimappagu.

Imm. 2. Napparsimalluni sulingitsoornerup nakorsamit uppersaaserneqarnissaa sulisitsisumit piumasarineqarsinnaavoq. Nakorsamit uppersaatinut aningaasartuutit sulisitsisumit akilerneqassapput.

Imm. 3. Sulisut nalunaaquttap akunnermusiallit piffissaq tamaat sulisut SIK-mullu ilaasortasut napparsimanerminni ullormusiaqartinneqassapput.

Imm. 4. Ullormusiaqartitsisoqassaaq ulloq sulisinnaangiffik siulleq aallarnerfigalugu. Ullut sulisup suliffigisassaatusut pilersaarusiorneqarsimasut ullormusiaqartitsiffiussapput. Ullormusiaqartitsisoqar-

sinnaavoq sivilunerpaamik sapaatip akunnerini 26-ni qaammatit tulleriiginnaat 12-it iluanni. Sulisinnaanginnerli sulinerup nalaani ajutoornermik pissuteqarpat ullormusiaqartitseqqittoqarsinnaavoq sulisapaatip akunnerini 13-ini.

Imm. 5. Ullormusiaqartitsineq unissaaq ullormi sulisup sulisinnaaleqqiffiani, sulisoq ingerlaannaq sulilinnikkaluarpalluunniit, aammalu sulisoq peqqissinerminik nalunaaruteqanngikkaluarpalluunniit. Ullormusiaqartitsinerli nangissaaq sulisup sulisinnaaleqqikkaluarluni suliffimmi najugaqarfia qimallugu napparsimanermini katsorsartereerluni aqqutissaaq pilertornerpaaq atorlugu suliffimminut uternissaata tungaanut.

Imm. 6. Napparsimanerup nalaani soraarsitaanermi ulloq suliunnaarfissaaq tikillugu ullormusiaqarti-taasinnaaneq atuutissaaq.

Imm. 7. Ullormusiat kr. 150,00-iupput, piffissamilu akissarsiorfimmi akissarsianut ilanngullugit SIK-mut ilaasortaasunut tunniunneqartassallutik.

Imm. 8. Atornerluisoqarpat aqqissuussinerit pineqartut sulisunut ataasiakkaanut tunngatillugit atorunnaarsinneqarsinnaapput.

§ 6 - Qaangiuttoornerit aamma qaangiuttoornermut taarsiullugu sulinngiffeqarnerit.

Qaangiuttoorneq sapinngisamik pinngitsoorniarneqassaaq. Piffissap nalinginnaasumik suliffiusup, tak. § 2, imm. 1, saniatigut sulilluni qaangiuttoornerusussatut naalakkiutigineqartumik nakkutigineqartumillu sulilluni qaangiuttoornertut suliffiusumut nalunaaquttap akunnermusiamut imaluunniit bonusimut/akkordimut tapisiaq naatsorsorneqartassaaq. Tapisiaq nalunaaquttap akunnerinut tamanut § 3 tunngavigalugu nalunaaquttap-akunnermusiap 50%-erissavaa.

Imm. 2. Qaangiuttoornerisiaqarnermut taarsiullugu sulinngiffeqartoqarsinnaavoq sulisartup sulisitsisul-lu isumaqatigiinneratigut. Qaangiuttoorsiaqarnissaraluamut taarsiullugu sulinngiffigineqassapput nalunaaquttap akunneri qaangiuttoorfiusut amerlaqataat 50%-inik ilallugit. Qaangiuttoornerisiaqar-

nermut taarsiullugit sulinngiffigisassat katersorneqassapput nalunaaquttap akunnerisa qaangiuttoorfi-usut affaasa aallartinneri tamaasa.

Imm. 3. Qaangiuttoorneq sulinngiffeqaataassaaq/akilerneqassaaq aatsaat piffissami akissarsiaqarfi-usumi piffissaq suliffiusoq naammassineqareerpat.

Imm. 4. Sulinnermut piffissamit akissarsiaqarfiusumit sivikinnerusimasumut piffissaq suliffiusoq nalinginnaasoq naatsorsorneqassaaq, imm. 3 naapertorlugu, ullut suliffiusut nalinginnaasut nalunaaquttap akunnerinik arfineq pingasunnik gangerlugit.

Imm. 5. Sulilluni qaangiuttoornissaq suliffiup nalinginnaasup naanissaa nalunaaquttap akunnerinik sisamanik sioqqullugu nalunaarutigineqartassaaq. Sioqqutsilluni nalunaaruteqartoqarsimann-gippat sulilluni qaangiuttoornermik nalunaaquttap akunneranik ataatsimik sulilluni qaangiuttoornerpiaat saniatigut akissarsititsisoqassaaq.

Imm. 6. Sulilluni qaangiuttoornernut ullup suliffiusup nalinginnaasup suliffissatut ileqqusumik sivi-sussusia ikinnerpaamik nalunaaquttap akunnerinik sisamanik sinnerlugu sivisussuseqartunut, sulilluni qaangiuttoornerpiaat qaavatigut qaangiuttoornermik nalunaaquttap akunneranik ataatsimik akissarsititsisoqassaaq.

Imm. 7. Sulisoq piffissap suliffiusup nalinginnaasup avataatigut suliartoqquneqarpat – sumiiffiup suliffigisap qimanneqareerneratigut imaluunniit ulluni suliffiusussaangikkaluartuni – ikinnerpaamik nalunaaquttap akunnerinut sisamanut akissarsititsisoqassaaq.

§ 7 - Suliartoqquneqarataarsinnaanermut tapisiat.

Sulisartunut aqunneqarsinnaangitsumik imaluunniit aqukkuminaatsumik qaangiuttoortartunut ukununga taarsiullugu suliartoqquneqaratarsinnaanermut tapisitsisoqarsinnaavoq:

1. Qaangiuttoorner siutitut § 6-imi taaneqartunut,
2. Sapaatini nalliuttunilu sulinnermi akissarsianut § 9-mi taaneqartunut, aammalu
3. Piffissani nikisitaartuni sulinnermi tapisianut § 10-mi taaneqartunut.

Suliantoqquneratarsinnaanermut tapisiap angissusissaa illuatungeriit isumaqatigiissuteqartartut isumaqatigiinniarnersigut aaliangerneqassaaq.

§ 8 - Immikkut tapit.

Pissutsini immikkut ittuni aammalu sulisitsisup sulisullu sinniisuata isumaqatigiinniarnersigut sulisoq inummut namminermet tunngasumik tapisiaqartinneqarsinnaavoq.

§ 9 - Sapaatini nalliuttunilu tapisiat aamma nalliuttuni ulluinnartigoortuni akissarsiat.

Sapaatini nalliuttunilu sulinermi nalunaaquttap akunnermusiaq tapeqartinneqassaaq. Tapisiaq § 3 - akissarsiat naapertorlugu nalunaaquttap akunneranut akissarsiap 50 %-erissavaa. Qaangiuttoorneruppat § 5 imm. 1 naapertorlugu qaangiuttoornermet tapisitsisoqassaaq imaluunniit qaangiuttoornernianut taarsiullugu sulinggiffeqartoqassalluni § 5 imm. 2 naapertorlugu.

Imm. 2. Nalliuttuni ulluinnartigoortuni tapisiat:

- Ullormut ilivitsumut 300,00 kr. -it.
- Ullormut affarmut 150,00 kr. -it.

- Nioqqutissiornermi sulisunut 18-it inorlugit ukiulinnut:
 - ullormut ilivitsumut: 150,00 kr.
 - ullormut affarmut: 75,00 kr.

Imm. 3. Nalliuttumi ulluinnartigoortumi akissarsisitsisoqassaaq imm. 2 malillugu, isumaqatigiissutit naapertorlugit akissarsiat nalinginnaasut saniatigut.

Imm. 4. Ullut nalliuttutut naatsorsuutigineqartut tassaapput:

- a) Kunngit pingasut ulluat 6. januaari (nal. 12-imit),
- b) Sulisartut nunani tamalaani ulluat 1. maaji (ulloq tamaat nalliuttuni ulluinnartigoortutut akilerneqassaaq),

- c) Inuiattut ullorsiorfik, 21. juuni,
- d) Juulliaraq, 24. decembari,
- e) Juullip ullua, 25. decembari,
- f) Juullip aappaa, 26. decembari,
- g) Ukiutoqaq, 31. Decembari,
- h) Ukiortaaq, 1. Januaari,
- i) Sisamangorneq illernartoq,
- j) Tallimangorneq tannaartoq,
- k) Poorski,
- l) Piinsip ullua aamma piinsip aappaa,
- m) Qilaliarfik,
- n) Tussiarfissuaq.

§ 10 - Piffissamut suliffimmut nikisitaartumut aamma nikittaalluni sulinermit tapisiat.

Piffissaq suliffiusussaq piffissat § 2, imm. 1-imi taaneqartut avataannut inissineqarpata, imaluunniit suleqatigiikkuutaarluni nikittaalluni sulisoqarpat makkuninnga tapisiaqartitsisoqassaaq:

- a) Piffissamut 16.00 - 01.00-ip akornanniittumut: nalunaaquttap akunneranut 8,00 kr.
- b) Piffissamut 01.00 - 06.00-ip akornanniittumut: nalunaaquttap akunneranut 20,00 kr.

Imm. 2. Qaangiuttoorneq piffissami nikisitaartumi nikittaalluni sulinermi pigaangat qaangiuttoor-nersianut taarsiullugu sulinngiffeqartitsisoqassaaq § 6 imm. 2 tunngavigalugu, imaluunniit qaangiuttoor-nersiaqartitsisoqassaaq § 6 imm. 1 tunngavigalugu, imm. 1-imi tapisianut taarsiullugu.

Imm. 3. Qaangiuttoorneq nikittaalluni sulinermi nikinnerit aappaannut pingajuannullu pigaangat imm. 1 tunngavigalugu nikittaannermi tapisiasat kingullit aamma § 6 imm. 2 tunngavigalugu qaangiuttoor-nersianut taarsiullugu sulinngiffeqartitsinerit malillugit pineqassapput, imaluunniit § 6, imm. 1 tunngavigalugu qaangiuttoornermut tapisisitsisoqassalluni.

§ 11 - Atisat isumannaallisaatitallit il.il.

Isumannaatsuunissaq eqqiluisaarnissarlu pillugit atorneqartariaqartut sulisitsisup sulisunut akeqanngitsumik atugassanngortissavai:

- aaqqatit,
- kamippaat immikkut ittut,
- atisat oqorsaait,
- saaliaqutit gummiusut il. il.

§ 12 - Ukiut suliffiit malillugit akissarsiat qaffaatissaat.

Nalunaaquttap akunnermusianut, taamattaarlu bonusisianut, ilanngunneqassapput ukiut suliffiit malillugit akissarsiat qaffaatissaattut tapisiasat imaattut:

Sulisarteq suliffimmi taannaasumi ataannartumik sulisimappat:	Nal. Akunneranut
Ukioq ataaseq atorfeqareernermi	Kr. 5,00
Ukiut katillugit tallimat atorfeqareernermi	Kr. 8,00
Ukiut katillugit arfineq-pingasut atorfeqareernermi	Kr. 12,00

Imm. 2. Ukiut suliffiit malillugit akissarsiat qaffaatissaattut tapisiat tunniunneqartassapput suliffimmi taannaasumi sulisimaneq tunngavigalugu. Sulisartup sulisitsisullu isumaqatigiissuteqarneratigut suliffimmit suliffimmut allamut toqqaannartumik nuuttut ukiut suliffiit malillugit qaffaatissatut tapisiasarilersimasatik tigummiinnassavaat.

Imm. 3. Sulitsisumi taannaasumi ataannartumik sulisimagaanni sulinngiffeqarnikkut, napparsi-manikkut, erninikkut qitornavissartaarnikkullu kiisalu qinikkatut pisortanillu toqqakkatut suliassaqarti-taanikkut sulinngikkaluarluni ukiut suliffiit malillugit akissarsiat qaffaatissaat katersorneqassapput.

Imm. 4. Sulisunik nutaanik atorfinitsitsinermi aamma atorfinitsitseqqinnerni imm. 2 naapertorlugu sulisitsisup sulisullu isumaqatigiissutigisimanngisaanni inissinneqarneq tamatigut trin siullermiit-tassaaq, kisianni takuuk imm. 1 litra a).

§ 13 - Nioqqutissiorneq siuarsarniarlugu akissarsialersuineq.

Illuatungeriit isumaqatigiissutigaaat nioqqutissiorneq siuarsarniarlugu akissarsialersuerialaatsinik sapinngisamik annerpaamik atuisoqassasoq, pingaartumik bonusisitsisarneq akkordertitsisarnerlu eqqarsaatigalugit. Bonusisit/akkordertitsisarneq pillugit isumaqatigiissutini ataasiakkaani tamani isumaqatigiissutigineqartassaaq pissutsit immikkut ittut suut aqqissuussinermi atuutissanersut.

Imm. 2. Bonusisitsisarneq akissarsissutissanik imaattunik katitigaassaaq:

- a) Akissarsiassaq aalajangersimasooq nalunaaquttap akunneranut.
- b) Akissarsiassaq allangorartooq (bonusitut tapisiaq) nioqqutissiornerulernermin nalunaaquttap akunneranut atorineqartumut.

Imm. 3. Bonus/akkorderluni suliaqarnermi siumoortumik akissarsisitsisoqartassaaq sulisartup pineqartup § 3 naapertorlugu nalunaaquttap akunneranut akissarsiassaasa amerlaqataannik, bonus / akkordimik suliat naatsorsorneqarnerat piffissami akissarsiffiusumi pineqartumi ullormut akissarsiffissamut nalinginnaasumut naammassineqarsinnaangikkaangata. Taamatut siumoortumik akissarsiat bonus / akkordimik naatsorsuinerup naammassinerani ilanngaatigineqartassapput.

Imm. 4. Bonusinik aqqissuussinerni aamma ataatsimoorluni akkordernermi, allamik isumaqatigiissuteqartoqarsimangippat, bonusisiassat akkordernersiassallu agguataarneqassapput nalunaaquttap akunneri peqataasut ataasiakkaat suliffigisimasaat tunngavigalugit.

Imm. 5. Bonus/akkorderluni suliaqarnermi piumasaavoq suliap ajunngitsumik naammassineqarnissaa aammalu sakkut nalinginnaasut saniatigut atortussat sakkussallu pisariaqartut piareersimanissaat. Utaqqineq, atortussanik sakkussanillu assartuinerit kiisalu sulinerup nalaani akornutissat naatsorsuutigineqanngitsut kingunerisaannik kinguartoorneq sulisartut ataasiakkaat nalunaaquttap akunnermusiaannik nalinginnaasunik akilerneqassapput. Bonus/akkorderluni sulineq sulinerup nalaani sulisitsisup piumasaqarneratigut allangortinneqarpat sulisartooq nalunaaquttap akunnermusiasaminik kiisalu sulinerup allangortinneqarnerata kingunerisaannik sivitsortoornermut tapisiasaminik pisassaartitaavoq.

Imm. 6. Teknikkikkut atortorissaarutit nutaat allalluunniit naatsorsuinermit tunngavissanik allanngortitsippata illuatungeriit pisinnaatitaapput bonus/akkorderluni suliaqarnermut isumaqatigiissutit isumaqatigiinniutigineqaqqinnissaannik piumasaqarnissaminnut. Isumaqatigiittoqarsinnaanngippat isumaqatigiissut qaammatip ataatsip qaangiunnerani atorunnaartussanngorlugu nalunaarutigineqarsinnaavoq. Isumaqatigiissut atorunnaarpat suliassat pineqartut isumaqatigiissutit nalinginnaasut naapertorlugit nalunaaquttap akunnermusiaqarluni suliassatut akissarsiaqaatigineqalissapput.

Imm. 7. Misiligutaasunik nioqqutissiornermi atugassarititaasussanik allanik, aamma akissarsianik aaliangersaasarneq pillugu isumaqatigiissuteqartoqarsinnaavoq isumaqatigiissutinit atuuttunit allaanerusunik.

§ 14 - Suliamik unitsitsigallarneq.

Sulisartuq sulinermi nalaani sila pissutigalugu unitsinneqartoq, allamillu suliassinneqarsinnaanngitsoq, minnerpaamik ullormut nalinginnaasumik sulinermit akissarsiaqartinneqassaaq, angerlartitaanera piffissap suliffiusup pisarnertut aallartinnerani pigaluarpalluunniit.

Imm. 2. Aalisakkerivinni sulisartut, piffissap suliffiusup nalinginnaasup aallartinnerani suliartoqqusaasimagaluartut, maskiinarliulernerulli kingorna nioqqutissiassaaleqilerneq pissutigalugu angerlartinneqartut, sulinivittulli akissarsitinneqassapput, minnerpaamilli nalunaaquttap akunnerinut sisamanut.

§ 15 - Assuarlersinnaatitaaneq.

SIK assuarlersinnaatitaavoq isumaqaruni sulisartut ulluinnarni piffissap suliffiusussap inissisimanisaa aamma arfininngornermi sulinngiffeqartarnissamik aqqissuussinerit pillugit kissaatigisimasaat suliffeqarfimmut iluaqutaasussanut akornutaanngitsumik pinissaannik naammattumik tunngavilersorneqarsimanngitsut.

Imm. 2. Nalornissutigineqalerpat sulisoq tapisianik §§ 5-imit 13-imit taaneqartunik tapisiaqartinneqarsinnaanersoq, sulisullu sinniisuat aqputigalugu tamanna pillugu saaffiginnissutit naammaginar-

tumik angusaqarfiunngippata, suliassaq Isumaqatigiisummi tunngaviusumi malittarisassat naapertorlugit suliarineqassaaq.

§ 16 - Akissarsiat tunniunneqartarnerat.

Piffissaq akissarsiaqarfiusoq ullunik 14-inik sivissuseqarpoq, naatsorsorneqartassalluni ataasingornermit sapaatip akunnerata tulliani sapaammut.

Imm. 2. Sulisartup Kalaallit Nunaanni imaluunniit Danmarkimi aningaaserivimmi konto akissarsianik nakkartitsiviusinnaasoq nalunaarutigissavaa. Akissarsiassat tiguneqarsinnaalissapput piffissap akissarsiaqarfiup naanerata kingornatigut tallimanngornermi.

Imm. 3. Ulloq nalinginnaasumik akissarsiffissaq nalliuttuusimappat ulluinnarmi nalliuttup siuliani akissarsisitsineqassaaq.

§ 17 - Sulinngiffeqarneq sulinngiffeqarnerasiutillu.

Sulisoq Sulinngiffeqarneq pillugu Inatsisartut inatsisaat nr. 10, 12. novembari 2001-imeersumi malittarisassat tunngavigalugit ukiumoortumik sulinngiffeqarnissaminut pisinnaatitaaffeqarpoq. Inatsisartut inatsisaanni § 2 naapertorlugu malittarisassat matuma kingulianiittut isumaqatigiissutaapput.

Imm. 2. Sulisartooq akissarsiarisimasami 12,5 %-iinik sulinngiffeqarnerasiutigisinnaasaminik katersissaaq.

Imm. 3. Sulinngiffeqarnerasiutinik pisassanik piumasaqarneq sulisitsisumut saqqummiunneqassaaq kingusinnerpaamik ukiup sulinngiffeqarfiup naanemaniit qaammatit pingasut (3) qaangiutsinnagit. Taamaattoqarsimanngippat aningaasat SIK-p Sulinngiffeqarnermut Aningaasaateqarfianut ingerlatinneqassapput.

§ 18 - Aningaasaateqarfiit.

Aningaasaateqarfiit uku akiliuteqarfigineqassapput ullormit isumaqatigiissuteqarfiusumit atuutilersus-samik:

- Qaammarsaanermut Ilinniartitaanermullu aningaasaateqarfik
 - nalunaaquttap akunneranut suliffiusumut ataatsimut 0,25 kr.-imik.
- Sulinggiffeqarnermut aningaasaateqarfik
 - nalunaaquttap akunneranut suliffiusumut ataatsimut 0,75 kr.-imik.
- Isumaginninnermut aningaasaateqarfik
 - nalunaaquttap akunneranut suliffiusumut ataatsimut 0,45 kr.-imik.

§ 19 - Toqukkut qimagaanersiutit.

Sulisarteq atorfeqarnermi nalaani toquppat aappaanut katissimasaanut imaluunniit qitornaanut 18-it inorlugit ukiulinnut qimagaasunut toqusup pilersugassarisimasaanut qimagaanersiutit uku tunniunneqassapput:

Suliffimmi ataatsimi sulisimagaanni:

Ukioq ataaseq	Sapaatip akunneri pingasut (3) akissarsiassat.
Ukiut marlut	Sapaatit akunneri sisamat (4) akissarsiassat.
Ukiut tallimat sivisunerusumillu	Sapaatit akunneri tallimat (5) akissarsiassat.

§ 20 - Meeqqap napparsimanerani sulingikkallarneq.

Sulisoq piffissaq tamakkerlugu imaluunniit piffissap ilaannaani akissarsiaminik annaasaqarnani sulingikkallarsinnaatitaavoq meeqqap annerpaamik 14-inik ukiullip napparsimanerani ulluni mar-lunni paarsinissaminut.

Ulloq meeqqap napparsimaffia siulleq ima paasineqassaaq ulloq suliffiusoq ilivitsaq siulleq mee-q-qap napparsimamera pillugu sulingitsoorfiusariaqartoq. Meeqqap ukiukitsup napparsimaler-nera pillugu piffissaq suliffiusoq aallartereersoq sulisoq aggeqquneqarpat tamanna ullortut meeqqap

napparsimaffiatut siullertut naatsorsuunneqassanngilaq, kisianni pissuteqarluni sulinnginnertut akissarsianik annaasaqaataasussaannngitsutut.

Imm. 2. Sulinngikkallarsinnaatitaanermi piumasaqaataavoq: Ullut tassaasut meeqqap napparsimaffii ullut marluk.

Imm. 3. Meeqqap napparsimanerani ullormi siullermi sulinnginneq napparsimanernik allattuiffimmi ilisimatitsissutigineqassaaq.

Imm. 4. Atornerluinermi aaqjissuussineq sulisunut ataasiakkaanut atortussaajunnaarsinneqarsinnaavoq.

Imm. 5. Akissarsianik annaasaqaataannngitsumik sulinngikkallarnermi nalunaaquttap akunneranut akissarsiaqartitsisoqassaaq ullormi pineqartumi nalunaaquttap akunneranut akissarsiat nalinginnaasut aallaavigalugit, tapisiallu aalajangersimasut ilanngullugit.

Imm. 6. Sulisut ukiumut ilivitsumut ullunik isumaginniffinnik marlunnik pisinnaatitaapput.

§ 21 - Meeqqap napparsimanerani sulinngikkallarnerit allat.

Meeqqap 0-imit 16-it angullugit ukiullip illoqarfimmi napparsimavimmi imaluunniit angerlarsimaffimmi imaluunniit illoqarfimmi allami unittariaqalernerani sulisoq qaammatini pingasuni sulereersimaguni periarfissinneqassaaq ullut aqqaneq marlut (12) tikillugit akissarsiaminik annaasaqarani sulinngikkallarnissaminut, meeqqap napparsimmavimmut unitsitaanerani Peqqinnissaqarfiup aki-ligaanik angalanermi ingiallortitut.

Imm. 2. Meeqqap napparsimavimmut unitsitaanera angajoqqaallu unitsitaaqataanerat ingiallortitullu angalaqataanerat uppersarneqassapput.

Imm. 3. Immikkut illuinnartumik pissutissaqartillugu nakorsamillu uppersarneqarpat sulinngikkallar-neq sivitsorneqarsinnaavoq ullut tallimat tikillugit.

§ 22 - Qinikkatut pisortanillu toqqakkatut suliassaqartitaaneq.

Isumaqatigiissut manna tunngavigalugu sulisut pisariaqartitsineq tunngavigalugu akissarsiaqarnatik sulingikkallarsinnaatitaapput makkuninnga suliqaarnissaq siunertaralugu:

- a) Inatsisartunut ilaasortaaneq,
- b) kommunalbestyrelsimut ilaasortaaneq,
- c) ilagiit sinniisuinut ilaasortaaneq,
- d) atuarfiit siulersuisuinut imaluunniit sunngiffimmi ataatsimiititaliamut ilaasortaaneq,
- e) kredsdommeriuneq,
- f) eqqartuusseqataasartuuneq,
- g) eqqartuussivimmi illersuisuuneq,
- h) pisortanit suliassaqartitaanerit allat pisortanit suliakkiutigineqartut SIK-p Peqatigiiffiini siulersuisuni ilaasortanut imaluunniit SIK-p siulersuisuunerini ilaasortanut.

Imm. 2. Imm. 1 tunngavigalugu suliffigisamit qimagussimaneq piffissami nalinginnaasumik suliffiusussaagaluartumi qaangiuttoornersiaqarfissaq sioqqullugu pisoq sumiginnaanertut isigineqasannngilaq. Suliffimmit qimagussimanissaq sapinggisamik sioqqutsilluarluni sulisitsisumut nalunaarutigineqartassaaq.

§ 23 - Sulingikkallernerit immikkut ittut allat.

Sulisut ilaquuttamik qanigisamik perulullutik napparsimaneranni, toquneranni ilisaanerannilu akiliunneqarlutik angalasinnaatitaapput nalinginnaasumillu akissarsiatik pigiinnarlugit sulingikkallarsinnaatitaallutik malittarisassat matuma kinguliiniittut naapertorlugit:

Sulisunut ikinnerpaamik qaammatini arfinilinni suliffeqarfimmi sulisooreersimasunut qinnuteqaateqareernikkut ilaquuttat qanigisat ilisaaneranni akissarsiatik nalinginnaasut pigiinnarlugit sulingikkallarsinnaatitaapput ulluni suliffiusuni arfineq pingasuni. Taamatuttaaq angalanermut akiliussisoqassaaq ilaquuttat qanigisat ilisaaneranni, ilisineq Kalaallit Nunaanni illoqarfimmi nuna-

qarfimmiluunniit allami imaluunniit Danmarkimi pisussaappat. Sulingikkallarnernut siuliini taaneqartunut nalinginnaasumik angalanerup sivisussusia ilanngunneqartassaaq.

Sulisoq ilaquuttami qanigisami najugaqarfianiitillugu/napparsimavimmi il. il. Uninngaffianiitillugu qanigisaa toqukkut qimaguppat sulingiffeqarsinnaati-taaneq ullunut 10-inut sivit-sorneqassaaq.

Toqukkut qimagussimasup pigisaasa kingornussassanik suliarinninnissamut piareersarnermut peqataanermi taamaallaat ulluni 8-ni akissarsiat ilanngaatilugit sulingiffeqartitsisoqassaaq. Kingornussassanik suliarinninnerup ajornakusoornera pissutigalugu peqataasariaqarneq upper-narsarneqarsinnaappat, sulingiffeqartitsinissaaq ilaneqassaaq

Imm. 2. Sulingikkallarnissamik aamma akiliunneqarluni angalanissamik qinnuteqaat allaganngorlugu sulisitsisumut tunniunneqassaaq.

Imm. 3. Ilaquuttat qanigisat tassaapput: angajoqqaat, aappat katissimasat taamatulluunniit naatsorsuussat, qitornat qatanngutillu, kisianni aapparipap katissimasap taamatulluunniit naatsorsuussap ilaqtai pinnagit.

Imm. 4. SIK-p siulersuisuunerinut ilaasortat SIK-p siulersuisuunerisa ataatsimiinnerinut peqataanermiinnut atatillugu akissarsiaqarlutik sulingissinnaatitaapput amerlanerpaamik ukiumut sisamariarlutik, taamattaarlu aamma SIK-p Peqatigiiffiisa amma Sulinerimik Inuussutissarsiuqartut Soraarne-russutisiaqalernissamut Aningaasaateqarfiata SISA-p siulersuisuinut ilaasortanut, SIK-p Ataatsime-ersuarnerinut Nakkutilliisoqarfiatalu ataatsimiinnerinut atatillugu. Sulingikkallarnernup nalaani akissarsiaqartitsisoqassaaq pineqartup nalinginnaasumik nalunaaquttap akunneri suliffigisagai nalinginnaasumillu nalunaaquttap akunneranut akissarsiarisartagai tunngavigalugit, tapisiat aalajangersimasut ilanngullugit.

Imm. 5. SIK-p Peqatigiiffiini siulersuisunut aamma SIK-p siulersuisuunerinut ilaasortat akissarsiaqar-natik sulingikkallarnissartik kissaatigippassuk tamanna akuerineqartariaqarpoq. Taamatut sulingikkallartitsisoqarsinnaavoq ukiut ataasiakkaarlugit.

Imm. 6. Suliffiup avataani kisiannili suliffiup iluani SIK-p Peqatigiiffimmi siulersuisut ataatsimiinnerat SIK-p Peqatigiiffianiit aaqquissuunneqarsimappat tamanna sulisut sinniisaannut akissarsiatigut an-naasaqaataanani pisinnaatitaaffiussaaq taamatullu pisoqassatillugu sapinngisamik siusinaartumik Maniitsoq Fish ApS-imut tamanna isumaqatigiissutigineqartassaaq.

§ 24 - Aaqqiagiinngissutit assigiinngitsuliorlunilu soraarsitsinerit.

Aaqqiagiinngissutit Naalackersuisut aamma Sulinermik Inuussutissarsiuteqartut Kattuffiata (SIK) tunngaviusumik isumaqatigiissutaanni malittarisassat atuuttut naapertorlugit suliarineqartassap-put.

Imm. 2. Inuit ataasiakkaat soraarsinneqarsinnaanerannut pisinnaatitaaffimmik atuinermi assigiinngitsuliorloqassanngilaq. Tamanna pillugu aaqqiagiinngissutit tunngaviusumik isumaqatigiissummi qulaani taaneqartumi malittarisassat naapertorlugit suliarineqartassapput.

§ 25 - Sulisut sinniisaat pillugit malittarisassat.

Isumaqatigiissut manna malillugu sulisuusut sulisut sinniisaat pillugit Naalackersuisut, Finansministeriap aamma Sulinermik Inuussutissarsiuteqartut Kattuffiata (SIK) isumaqatigiissutaannut qa-qugukkulluunniit atuuttumut ilaapput.

§ 26 - Naartuneq, ernineq qitornavissiarthaarnerlu.

Sulisoq akissarsiaqarluni sulinngiffeqarsinnaavoq naartunermut, erninermut qitornavissiarthaarnermullu atatillugu Inatsisartut inatsisaat sukulluunniit atuuttoq malillugu.

§ 27 - Soraarniuteqarnermi soraarsitsiniarnermilu siumut ilisimatitsivissat.

Atorfeqarnermi qaammammi siullermi (1) sulisitsisoq sulisartorluunniit pisusaatitaanngillat

atorfeqarnermik unitsitsinissamut tunngatillugu siumut ilisimatitsereernissamut.

Imm. 2. Nioqqutissiornermi sulisunut atuupput soraarsitsinissamik/soraarnissamik siumut ilisimatitsereernissamut piffissaritit uku:

	<u>Sulisitsisumit:</u>	<u>Sulisartumit:</u>
ukiumi siullermi (qaammat siulleq pinnagu)	Sap. akun. marlut	Ullut 3
ukiuni marlunni / pingasuni / sisamani / tallimanilu	Sap. akun. sisamat	Sap. akun. marlut
Kingornatigut:	Sap. akun arfinillit (6)	Sap. akun. pingasut

Imm. 3. Soraarniuteqarnermut / soraarsitsinermut siumoortumik nalunaaruteqarnissamut piffissarititaasut imm. 2-miittut sulisunut suliffeqarfimmi ataatsimi kipsaqattaanngitsumik suliffeqarsimasunut atuupput. Pissutsilli makku kipititsisutut naatsorsuunneqanngillat:

- a) napparsimaneq erngerluni kingusinnerpaamillu nalunaaquttap akunnerisa 24-t qaangiutinnginneranni suliffimmut nalunaarutigineqartoq,
- b) naartuneq, ernineq qitornavissiartaarnerlu pillugit Inatsisartut inatsisaat naapertorlugu qimagussimaneq,
- c) suliamik unitsitsineq maskiinat uninnerannik, atortussanik amigaateqalernermik, nioqqutissiassanik amigaateqalernermik assingusunilluunniit pissuteqartoq, sulisoq neqeroorfigineqarluni suleqqilersimappat.

Imm. 4. Soraarsitsinissamut siumoortumik nalunaaruteqarnissaq atorunnaassaaq sulisup paarsinerlunneratigut imaluunniit suliamik unitsitsineq, atortussanik amigaateqalernerneq pisullu allat sunniuteqarfigisinnaanngisatut isigineqartut (force majeure) pissutigalugit suliunnaarnikkut ingerlatsineq tamakkiisumik ilaannakortumilluunniit unippat.

Imm. 5. Sulisitsisup sulisullu soraarsitsinissamik soraarnissamillu siumut ilisimatitsissutaat allaganngorlugu tunniunneqassaaq.

§ 28 - Piffissaq isumaqatigiissutip atuuffia.

Sumiiffimmi isumaqatigiissut manna atuutilissaaq 1. aprili 2026.

Isumaqatigiissut illuatungeriinnit tamanit atorunnaarsinneqarsinnaavoq marsip 31-anut qaamma-
tinik pingasunik siumut ilisimatitsereerluni, siusinnerpaamilli 31. marsi 2029.

Nuuk, ulloq

Sulinermik Inuussutissarsiateqartut Kattuffiat

Maniitsoq Fish ApS

Sofie Svendsen

Bo Volfred Christensen

Siulittaasup tullia

Pisortaq